

历史小說

新編
二十六史通俗演義

历史小說

新編
二十六史通俗演義

編纂者 皖南舒屋山人
繕校者 新安俞文淵

根据上海錦章图书局
民国十八年版翻印

精訂綱鑑廿六史通俗演義

新昌 呂撫 安世 輯

男維垣 輔周

維城 京周
維基 起周

同校

第二十七回 唐高祖立根基二十一帝

詞曰 追想千年往事。六朝踪跡茫然。隋唐相繼統中原。世態几回云變。

楊柳樓迷汴水。丹青慘淡殘烟。樂游原上草連天。飛起寒鴉一片。

却說唐高祖神龍皇帝姓李。名淵。字叔德。隴西成紀人。今陝西巩昌府秦州是也。處眾陶。周老聘。漢李唐之后。西涼武昭王高七世外也。祖虎。仕西魏有功。封隴西公。父昞。于周世封唐公。淵襲爵。李淵既起兵克長安。立代王侑為隋帝。其別部刘文靜。留周河東郡。与屈突通相持月余。通勢窮蹙。及聞長安不守。引兵出走。將趨洛陽。文靜遣竇琮等追執之。通乃降淵。以為兵部尚書。遣至河東。招諭弔君素。君素曰。公為大臣。奈何負國生降。通曰。吾力屈耳。君素曰。吾力尚未屈。何用多言。通慚而退。時君素妻在長安。為唐所获。唐遣其妻至城下招之。君素曰。天下名義。非婦人所知。引弓射

之。应弦而倒。及聞煬帝江都之变。左右亲君素以降。隋恭帝禪位于唐。唐王淵即皇帝位。以建成为太子。世民为秦王。元吉为齐王。元霸聰明类世民。明年十六早卒。追封为卫王。初李密兵力甚强。唐祖初起兵时。遣使通好于密。密与唐祖书。多自矜大。有云所望戮力同心。执子嬰于咸阳。殪商辛于牧野。唐祖方有事于关中。恐更生敌。乃卑辞推奖。以驕其志。密大喜。自是信使往来不絕。及李密誘杀習議。将佐頗有离心。密頗自矜驕。不恤士众。取洛口倉。筑城方四十里而居之。开倉散米。无防守。取之者随意多少。或离倉之后。力不能致。委棄衢路。自倉城至郭門。米厚数寸。群盜来就食者。近百万口。密喜。謂賈閏甫曰。此可謂足食矣。閏甫对曰。国以民为本。民以食为天。今民所以襁負如流而至者。以所天在此故也。而有司曾无吝惜。恐一旦米尽民散。明公孰与成大业哉。密不听。王世充食尽。簡精兵击密。密出兵应之。輕世充不設壁壘。世充夜伏兵山谷中。纵兵击密。先索得一人貌类密者。縛而匿之。战方酣。使牵过陣前。諛曰。已获李密矣。士卒皆呼万岁。密众大惊。世充伏兵乘高馳下。密众大败。酈元真单雄信等。俱降于世充。密遂与王伯当魏征等。收败兵二万归唐。密曰。我拥众百万。解甲归唐。豈不以台司見处乎。及至长安。拜光祿卿上柱国。賜爵邢国公。密大失

望。秦叔宝程知节罗士信等。既降于世充。知其无成。亦奔归于唐。徐世勣据李密旧境。魏征遣世勣书劝之早降。勣曰。此土地人民。皆魏公有也。乃籍郡县户口士马之数。启李密使自献之。唐祖大悦。赐世勣姓李。初汾阴薛举。据有隴西之地。及举卒。子仁果立。攻唐隴州降之。世民引兵至高塘。仁果使宗罗喉将兵拒战。世民引大兵自原北。出其不意。罗喉士卒大潰。斩首数千级。世民率二千余骑追之曰。破竹之势。不可失也。遂进至城下。围之。至夜半守城者皆降。争自投下。仁果计穷出降。父子僭乱者二年。斩于安市市。世民平仁果还。唐主使李密迎秦王世民于幽州。密自恃智略功名。见上犹有傲色。及见世民。不觉惊服。私谓殷开山曰。真英主也。不知是何以定禍乱乎。李密耻于进食。与王伯当謀反。乃言于唐祖。曰。山东之众。皆臣故时麾下。請收撫之。以取王世充如拾芥耳。唐主許之。以王伯当为副而遣之。李密遂据桃林县。驅掠徙众。直趋南山。乘险而东。欲就故伊州刺史张善相。唐行军总管盛彦师击斩之。与伯当俱传首长安。张善相降唐。时李軌据河西称帝。唐遣张俟德至凉招撫之。軌称从弟大凉皇帝臣軌。而不受唐官爵。唐主怒。議兴师討之。軌臣安修仁兄兴貴仕唐。表請說軌。論以禍福。如不听。弟修仁为軌所杀信。图之时腋易矣。唐主遣之。兴貴至凉說軌不

納。乃与修仁同結諸胡。起兵击軌。軌出战而敗。兴貴执送长安斬之。僭乱者三年。杜伏威据历阳降唐。唐以为和州总管。封吴王。赐姓李。李子通据海陵。攻江都。克之。袭沈法兴于吴郡。大破之。法兴赴江水死。子通徙都余杭。唐杜伏威遣其将王雄誕击破之。子通走保杭州。雄誕又破之。执送长安。初杜伏威与輔公祐友善。及伏威入朝。公祐留守丹阳。公祐遂背伏威。杀王雄誕造反。称宋帝。唐遣赵郡王孝恭。岭南道大使李靖討之。孝恭将发。晏集。卮酒忽变为血。合座皆惊。孝恭举止自若曰。此公祐授首之征也。飲而尽之。众皆悅服。孝恭李靖等。进击公祐兵。大破之。公祐棄城东走至武康。为野人所执。送丹阳梟首。江淮悉平。右江淮起杜伏威。終輔公祐。僭乱者凡十一年。刘武周引突厥寇唐并州。陷晋阳。裴寂軍潰。齐王元吉奔还长安。武周遣宋金剛攻陷晋州龙门澧州等地。关中大震。秦王世民引軍自龙门渡河。屯柏壁。与宋金剛相持。世民屢破金剛将尉迟敬德寻相等。金剛粮尽。北走。世民追及寻相于吕州。大破之。乘胜逐北。一昼夜行二百余里。战数十合。众請俟粮集再进。世民曰。金剛势穷疾走。若稍緩成計。不可复攻矣。策馬而进。追及金剛于雀鼠谷。一日八战。皆破之。世民不食三日。不解甲三日矣。引兵趋介休。金剛背城复战。大败。輕騎走。尉迟敬德与寻相举

介休及永安降。世民得敬德甚喜。以为右一府統軍。使將其旧众八千。与諸營相參。刘武周聞金剛敗。大惧。棄并州走。突厥金剛亦与百余騎走。突厥并州悉平。武周僭亂。凡四年。后与金剛俱为突厥所杀。楚朱粲有众二十万。剽掠淮汉間。每破州县。若有积粟。則食粟。裸而淫其妇女。百般戏虐。将去。則焚其余粟。烹妇女嬰兒噉之曰。肉之美者。无过于人。但使他国有人。何忧于餒。无粟則食人。稅諸城堡。妇女嬰兒。以供軍实。淮安土豪楊士林起兵攻粲。諸軍皆应之。粲大敗。奔菊潭。士林以汉东四郡降唐。粲亦降于唐。唐遣散騎常侍段确慰勞之。确乘醉侮粲曰。聞卿好噉人。人作何味。粲曰。噉醉人。正如糟猪肉。确怒罵。粲烹食之。遂屠菊潭。奔降王世充。时世充已篡隋称帝。唐遣秦王世民督諸軍击郑以取东都。郑河南州县多相繼降唐。唐刘武周降将寻相等。亦多叛去。諸將疑尉迟敬德。囚之軍中。屈突通殷开山言于世民曰。敬德驍勇絕倫。留之必遺后患。不如杀之。世民曰。敬德若反。豈在寻相后乎。遽命释之。引入臥内。賜之金。曰。丈夫意气相期。勿以小嫌介意。吾終不信讒言。以害忠良。必欲去者。以此金相資。表其具事之情而已。已而世民以五百騎行战地。王世充率騎万余猝至。围之。单雄信引衆直趋世民。敬德躍馬大呼。横刺雄信墜馬。屈突通引大軍繼至。世充兵大敗。世民謂敬

德曰。公何相報之速也。賜敬德金銀一篋。自是寵遇口隆。初王世充侵夏黎陽。夏竇建德破鄭殷州以報之。自是二國交惡。信使不通。至是唐兵逼洛陽。世充遣使求救于建德。夏中書侍郎劉彬曰。天下大亂。唐得關西。鄭得河南。夏得河北。共成鼎足之勢。今唐舉兵陷鄭。鄭地日蹙。鄭亡則夏不能獨立。不如解仇發兵救之。夏击其外。鄭攻其內。破唐必矣。唐師既退。徐覲其變。若鄭可取則取之。并二國之兵。乘唐之敝。天下可取也。建德從之。時唐兵圍洛陽。城中乏食。建德救至。乃遣世民書。請退軍潼關。復修前好。世民集將佐議之。皆請避其鋒。郭孝恪曰。王世充窮蹙。垂將面縛。竇建德運糧遠來助之。此天意欲兩亡之也。不過二旬。兩主就縛矣。世民善之。將驍騎出武牢東。建德迫于武牢不得進。數戰皆不利。凌敬言于建德曰。太王宜悉兵濟河。攻取懷州河陽。使重將守之。遂建旗鼓。踰太行。入上黨。徇汾晉。趨蒲津。入无人之境。拓地收兵。則關中震恐。鄭罔自解矣。建德將從之。而世充遣使告急。阴以金玉賂建德諸將。諸將皆曰。凌敬书生。安知戰事。建德乃謝敬。敬固爭之。建德怒。令扶出。其妻曹氏曰。祭酒之言。不可違也。建德曰。此非女子所知。夏王建德。悉眾出牛口峪。置陳亘二十里。世民命宇文士及將三百騎。率之西馳而南上。世民戒之曰。賊若不動。尔宜引归。

動則引兵東出。士及至陳前。陣果動。世民曰。可击矣。自率輕騎先進。大軍繼之。于是大戰。尘埃漲天。世民帥史大柰程知节秦叔宝宇文歆等。卷旆而入。出其陣后。张唐旗鼓。淮南王道元陷陣。直出其后。复突陣而回。建德軍大潰。建德中樂。楊武威逐之。建德驛屬。武威下擒之。世民囚建德等至洛陽城下。以示世充。世充謂諸將曰。吾所恃者夏王。今已为所擒。虽得出必无成。世充乃素服。帅太子群臣詣軍門降。郑地悉定。世充僭乱。凡三年。世充入宮。見隋宮殿叹曰。逞侈心。穷人欲。虽欲无亡得乎。命撤毀其壮丽者。建德妻曹氏。帅众奉传国璽降唐。夏地悉定。建德僭位五年。世民至长安。献俘太庙。赦王世充。斬竇建德。又斬朱粲于市。朱粲乱。凡四年。唐以天下粗定。大赦百姓。給复一年。初建德尝发鄴中墓。开棺見一妇人。顏色美丽。其衣制非近代所有。候之似有气息。乃收军还养之。三日而能言。云是三国魏文帝宫人。随甄皇后死。葬于此。說甄后見害事。了了分明。建德甚寵愛之。至是建德灭。帝將納之。乃具以事白。且曰。妾閉泉壤已三百年。非竇公何以得見天日。妾不可有負竇公。乃自杀。帝甚憐之。时梁蕭銑据江南称帝。胜兵四十万。諸将多恃功恣橫。銑患之。乃分兵于各处屯田。以夺諸将权。唐李靖說赵郡王孝恭。以取蕭銑十策。孝恭上之。帝发巴蜀兵。

以孝恭李靖統之。自夔州順流東下。蕭銑倉卒征兵。不能遽集。乃悉見兵數千出战。李靖縱兵奮击。大破之。乘胜直抵江陵。入其外郭。又攻破其水城。大获舟艦。李靖使尽散之江中。諸將皆曰。破敌所获。当借其用。奈何棄以資敌。靖曰。蕭銑之地。南出岭表。东拒洞庭。吾县軍深入。若攻城未拔。援兵四集。虽有舟楫。将安用之。今棄舟艦。使塞江而下。援兵見之。必謂江陵已破。未敢輕发。往来覘伺。动淹旬月。吾取之必矣。銑援兵見舟艦。果疑不进。銑内外阻絕。乃謂群下曰。天不祚梁。若必待力屈。则百姓蒙患。因下令开门出降。孝恭送銑于长安。斬于都市。南方悉定。蕭銑僭位凡五年。时竇建德虽灭。其諸将在山东者。虽家居。每横暴为民患。唐官吏以法繩之。皆惊惧思乱。会有詔悉征建德旧将。于是范愿高雅賢等。謂入长安。必无生理。遂謀作乱。卜之曰。以刘氏为主。吉。乃推建德旧部将刘黑闥为主。起兵漳南。設坛以祭建德。告以复仇之义。攻陷冀州。破淮安王神通李艺及徐世勣等兵。遂拔相州。唐兵多败。半岁之間。尽复建德故地。初魯郡賊帅徐朗降唐。唐以为兖州总管。至是率兵应黑闥。黑闥北通突厥。兵势大振。自称汉东王。都洛州。凡建德时文武。悉复本位。其設法行政。悉师建德。而攻战勇决过之。帝使秦王世民。齐王元吉討黑闥。世民复取相州。进军肥乡。列

營于洛水。黑闥數挑戰。世民堅壁不應。別遣將絕其糧道。相持六十余日。世民度黑闥糧盡。必來決戰。使人堰洛水上流。戒守吏于戰時決之。黑闥果帥步騎渡洛水。壓唐榮營而陳。世民自將精騎击之。守吏決堰。水大至。黑闥众遂大潰。黑闥与范愿等奔突厥。山东悉平。世民班师回长安。黑闥复引突厥寇山东。唐遣齐王元吉。与淮阳王道元击黑闥。道元将兵三万。与副将史万宝不协。道元率輕騎先出犯。陈万宝拥兵不进。由是敗沒。时年十九。秦王世民聞而深惜之。曰道元常从吾征伐。見吾深入賊陈。心慕效之。以至于此。为之流涕。世民自起兵以来。前后数十战。常身先士卒。輕騎深入。虽屡危殆。而未尝为矢刃所伤。太子中允王珪。洗馬魏征。說太子建成曰。秦王功盖天下。中外归心。殿下但以年长。位居东宫。今黑闥散亡之余。众不满万。資粮匱乏。殿下宜自击之。以取功名。庶可自安。太子乃請行。高祖許之。乃与齐王元吉将兵。同击黑闥。黑达食尽。众多亡散。遂遁去。黑闥所署饒州刺史諸葛德威。执黑闥以城降。斬于洛州。黑达临刑歎曰。我幸在家鉏菜。为高雅賢輩所誤至此。刘黑闥僭乱者一年。徐圓朗敗走。为野人所杀。其余諸賊。或即灭于隋。或見并于群賊。或灭或降于唐。至武德七年。燕高开道为其下张金树所杀。金树遣使降唐。輔公祐亦灭。除梁。梁师都走附突厥。至太宗

貞觀二年。將軍柴紹等討之。始灭。而天下复归一統矣。高祖欲杀其民部尚书刘文靜。世民为之固請。不許。卒杀之。籍沒其家。皆齐王元吉譖之也。初元吉生时。竇氏惡其貌。欲不举。侍嫗陈善意私乳之。及长。善意数規諫之。元吉拉杀之。性嗜色。好猎。每于黄昏潜出。奸媾民家妇女。最忌秦王世民。及世民得尉迟敬德。元吉大忌之。聞敬德善馬。元吉亦素以馬稍自負。請与敬德較胜。元吉操稍跃馬。意在刺之。須臾敬德三夺其稍。帝以秦王功大。前代官不足称之。以世民为天策上将。位在諸王公上。开天策府。置官属。世民以海内復平。乃开館于宫西。延四方文学之士。以杜如晦房元齡虞世南褚亮等十八人。分为三番。更日值宿。供給珍饈。恩礼优渥。世民朝議公事之暇。輒至館中。与諸学士討論文籍。或夜分乃寢。使閭立本图像。褚亮为贊。号十八学士。士大夫得預其选者。时人謂之登瀛洲。建成元吉忌之。諸府僚多补外官。杜如晦亦迁陝州长史。世民患之。房元齡曰。余人不足惜。至如如晦。乃王佐之才。世民即奏請为府属。初帝之起兵晋阳也。皆秦王世民之謀。帝謂世民曰。事成当以汝为太子。及为帝。将佐亦以为請。世民固辞而止。太子建成喜酒色游畋。齐王元吉多过失。皆无寵。秦王功名日盛。帝尝有意以代建成。建成内不自安。乃与元吉协謀。元吉欲先杀世民。复杀建

成而代之。乃相与共傾世民。曲意事諸妃嬪。以求媚于上。世民独不事之。由是諸妃嬪爭譽建成元吉。而短世民。时世民元吉皆居別殿。与上及东宮徹晝夜通行。无复禁限。相遇如家人礼。太子令秦齐王教。与詔敕并行。有司莫知所从。唯据得之先后为定。世民以淮安王神通有功。給田數十頃。张婕妤求之。手敕賜之。神通以敕給在先。不与。婕妤訴于帝。帝怒以責世民。复謂裴寂曰。此儿久典兵在外。为书生所教。非复昔日子矣。秦王每侍宴宮中。思太穆皇后早終。不得見帝有天下。或歌歎流涕。帝不乐。諸妃嬪曰。陛下春秋高。宜相娛樂。而秦王如此。正是憎疾妾等。陛下万岁后。妾母子必无子遺矣。皇太子仁孝。陛下以妾等子母托之。必能保全。高祖为之愴然。时帝于寶后所生四子之外。又生十八子。由是无意易太子。待世民日疏。而待建成元吉日亲矣。世民从上幸元吉第。元吉伏甲欲刺之。建成見尉迟敬德秦叔宝在外。乃急止之。突厥屢寇关中。上欲迁都避之。世民曰。戎狄为患。自古有之。陛下聖武龙兴。奈何欲迁都以遺四海羞。臣忝备藩維。愿假数年之期。請系頽利之头。致之闕下。上曰善。建成与妃嬪共譖世民曰。突厥虽屢为边患。得赂则退。秦王外托御侮之名。实欲内总兵权。成其篡夺之謀耳。上大怒。召世民責之不解。会有司奏突厥入寇甚急。上乃改容劳勉。詔世民元

吉。將兵出幽州以御之。上每有寇盜。輒命世民討之。事平之后。猜嫌益甚。世民元吉與頡利突利二可汗。遇于幽州。元吉見其兵盛。大惧。不敢出。世民獨帥騎馳詣頡利曰。國家與可汗和親。何為負約。我秦王也。可汗能斗。請獨出與我斗。又遣騎前告突厥曰。爾往與我盟。有急相救。今乃引兵相攻。何无香火之情也。頡利見世民輕出。又聞香火之言。疑突厥與世民有謀。突厥又疑頡利與世民有謀。乃相與請和。與盟而去。丙戌九年六月丁巳。太白經天。世民既與建成元吉有隙。建成于夜宴進酒。世民飲之未盡而倒。淮安王撥世民還。咯血數升。急解之得愈。上臨幸視疾。因語世民曰。尔兄弟終不相下。同在京師。忿鬪且深。尔宜往洛陽。分陝以東悉主之。許建天子旌旗。建成元吉相與謀曰。秦王若至洛陽。不可复制。不如留之長安。則一匹夫。取之易矣。乃令人上封事。言秦王左右。聞往洛陽。无不喜跃。覩其志趣。恐不復來。帝乃中止。建成元吉以秦府多驍將。欲誘之使為己用。密以金銀器一車。贈尉迟敬德。敬德辞不受。以告世民。世民曰。公心如山岳。虽積金至斗。知公不移。元吉乃讚敬德于上。將杀之。世民固請得免。房元齡杜如晦勸世民行周公之事。建成元吉亦日夜与后宮譖訴世民于上。上信之。元吉密請杀秦王。上曰彼有定天下之功。罪狀未著。何以为辞。元吉曰。但应速杀。

何患无辞。上不应。会突厥入塞。建成荐元吉将兵击之。元吉請秦府驍將秦叔宝尉迟敬德程知节段志元同行。簡秦府精兵悉隶麾下。徙房元龄杜如晦等。不得在秦府。东宫官王晔。密告世民曰。太子語齐王。吾与秦王餓汝于昆明池。使壮士拉杀之。尽杀秦叔宝等。遣人說上授我以国。而立汝为太弟。于是长孙无忌高士廉尉迟敬德等。請世民决計。世民命卜之。幕僚张公謹自外来見之。取龟投地曰。夫卜以决疑。今事在不疑。尙复何卜。己未太白复經天。太史傅奕密奏太白見秦分。秦王当有天下。帝以其状授世民。于是世民密奏建成元吉与张婕妤尹德妃。及与諸后官淫乱状。且曰。臣于兄弟。无私毫負。今欲杀臣。以为世充建德报仇。上省之。愕然曰。明当鞠問。汝宜早參。庚申世民将入朝。夜享将士。长孙后亲为行酒。士皆感奋愿死。世民遂帅长孙无忌等入。伏兵玄武門。张婕妤窃知之。密告建成。建成元吉覺变。即跋馬东归官府。世民从而呼之。元吉惶悚。引弓三射不能殺。世民一箭射杀建成。再中元吉墜馬。世民馬惊逸入林下。为木枝所絀。墜不能起。元吉遽至。夺弓将扼之。尉迟敬德将七十騎繼至。跃馬叱之。元吉欲趣武德殿。敬德追射杀之。东宫及齐府兵。乃鼓譟欲攻秦府。敬德持建成元吉首示之。官府兵皆潰。上謂裴寂等曰。不图今日乃見此事。萧瑀陈叔达曰。建成元吉疾秦王功高望重。共

为奸謀。今秦王已討而誅之。秦王功蓋宇宙。率土归心。陛下若处以元良。委之国务。无复事矣。上曰善。此吾之夙心也。遂立世民为皇太子。又詔自今軍国重事。无大小悉委太子处决。然后奏聞。杀建成諸子承道承德承訓承明承义等。杀元吉諸子承业承鸞承奖承裕承度等。元吉妻楊氏。美丽无比。素与长孙后善。尝諫止元吉无与世民为仇。至是亲至世民宫中請死。光彩发越。娇啼宛轉。百倍撩人。世民忘其为弟妇。竟以克敌仇家視之。遂与私焉。及即位。納之宫中。甚寵幸之。赦建成元吉党与。一无所問。洗馬魏征。常劝太子建成早除秦王。至是世民召見曰。汝何为离間我兄弟。对曰。先太子早从征言。无有今日。世民素重其才。改容謝之。又召王珪以为諫議大夫。命纵禁苑鷹犬。罢四方貢獻。听百官各陈治道。政令簡肃。中外大悅。帝自称太上皇。詔传位于太子。太子世民即皇帝位于显德殿。是为太宗文武帝。大赦天下。放宫女三千人。高祖在位九年。又在太上皇位九年崩。寿七十一岁。欲知后事如何。且听下回分解。